

韓詩外傳

一



龍谿精舍叢書序

叢書之名初見笠澤猶屬一家之言未嘗萃諸善本爲彙函也明清兩代博雅好古之士先後輩出網羅散佚不自矜秘輒爲彙刻以廣流傳顧或以閎博爲宗或以孤秘相尙或博采古籍於漢魏之前或規倣舊刊於宋元而降讀者望洋卻步每病其多而不精是必於叢書中之卓卓者博觀而約取之輯其菁英以餉學者庶收取精用宏之效也潮陽鄭君堯臣博學篤志不求聞達辟地滬上載書兼兩念故籍之放湮慮羣言之淆雜甄擇陳編別裁僞體區以四部斷

自周秦以迄六朝得書數十種皆取善本而讎校之
刊成顏曰龍谿精舍叢書其取舍之精嚴視前賢纂
錄蓋猶青之於藍冰之於水也夫中國文教莫盛於
周秦之際其後迭經兵燹竈觚壁簡遺者寥寥迄今
所存不及千百之十一益以歐風東被騁新獵異寢
成士習畫革旁行之冊充斥鴻都莘莘學子兼鶩不
遑六經束閣何論百家方策典墳視如芻狗此誠斯
文絕續之交也不有人焉障其橫流使四千餘年文
明宗國一線留貽將無杞宋之徵且有夷夏之變今
鄭君勛刊叢書本其家學溯其師承將以嘉惠來學

使之讀書稽古致用球時吾願讀是書者有感於鄭
君之志興起而羽翼之則不僅中國文學之幸也民
國七年二月伊通齊耀琳

龍谿精舍叢書序

叢書之刻所以永古籍惠來學甚盛事也然今之刻叢書者蒙有惑焉襄陽耆舊之傳祖稽鄉故桂海虞衡之志半臚土物局於方隅畫於畛域若是者失之隘梅賾之上古文本爲偽造郭象之註莊子或云巧媮展轉相求迷離莫辨若是者失之誣奇佞難譯等响嘍之斷碑荒渺無徵下汲冢之隊簡名則古昔實愚黔首若是者失之僻夷堅十志助野老之舌鋒眞誥一編備道家之掌錄齊諧志怪鬼董搜神若是者失之幻什襲孤本珍於威鳳一毛蒐輯佚文碎於數

琴百納徒費鈔胥不成片段若是者失之瑣綜斯五
失憂憂其難譬之風清月白只供嘲弄之資珊瑚木
難何救飢渴之用縱富五車無當一映今潮陽鄭子
堯臣所刻龍谿精舍叢書皆先秦舊籍逮於李唐不
隱僻以炫奇不纖屑以矜博或抉剔古義闡經部之
荒榛或盧牟隊典樹史成之別子蓋盡祛五者之失
而視今所謂叢書者侷乎遠矣僕自占肥遯彌畔牢
愁望兼葭而溯伊人采蕨蔽而悲何世夷吾太息懼
四維之不張逢萌出亡痛三綱之將絕每與堯臣留
連竹所問訊漚家命元亮之巾車賚通明之竹杖撫

劍夙邁渺芥坳之浮塵銜觴無欣話桑麻之陳迹堯
臣一鳴借異三豕正僞依馬磨而晨鈔棲蝸廬而暝
寫校讎之審抗錢盧於往圖甄采之嚴凌黃顧於前
籙間出是編屬爲弁首僕識窮窺管智等挈瓶偶預
勝流得發帳中之祕夙耽載籍更披柱下之藏循省
旣終心神俱服鈎元提要不數百川學海之傳補漏
刪繁足賅六藝顓門之業後有覽者其永寶之

丁巳重九金壇馮煦

龍谿精舍叢書自序

潮州爲韓文公過化之鄉文公爲學自言識古書之
正僞觀其門以兩版叢書於間記事者必提其要纂
言者必鉤其元抑何勤也吾家世居潮陽沙隴市之
吉六里龍谿環焉溯高密之家風仰昌黎之教澤雖
不能至然心嚮往之國勳生當光緒初葉朝野清宴
文軌大同賢士大夫皆能通經學古爲國家厲太平
彬彬乎有唐元和宋元祐之風經史小學攷據校勘
承康乾累朝文治昌明之後通漢宋兩家之郵紬顧
秦姚王之緒學術至斯時爲極盛舉凡古書之有裨

實用者皆爲之箋釋補輯精校流布國勳問學無所
底而秉承義方闕涉涂徑私念苟取先秦兩漢諸書
甄擇善本彙爲一編庶使學者便於省覽不待他求
久客滬壘發言莫賞庚子以還野言朋興士夫之欲
速化者相與傅和之風會所趨漸不如前此軌轍之
可循而枕藉書紆體衡門者亦稍衰焉宣統三年
中原雲擾老師宿儒避地於北江之尾者比諸季漢
之交州遼東余因得請益於灤川唐先生授經則埶
的司農爲文則蠡測韓筆每慨然於兵燹之後舊籍
日少微論宋槧元鈔卽國初精刊初印之本價必兼

金綴學之士攷書不易津逮有待夙願適符時 家
君爰自嶺表來申養疴庭立之餘乃以刊刻叢書請
欣然允之夫叢書之興始於說郢稗海有明一代剖
劘遂繁海虞毛氏父子當鼎革之交尙能博訪通人
廣鐫祕笈厥後棟亭蕙谷照耀於北方蘅圃查山韻
頤於南服書倉衍石本自經生德水靈巖成於顯宦
吳之黃歛之鮑承之孫金山之錢彬蔚稱盛吾粵則
伍氏之粵雅堂潘氏之海山仙館玉笙學博實爲理
董不獨嶺南遺書關於一方修本堂遺書繫諸一人
已也不佞是舉匪敢抗風曩賢而斷自隋前意存古

學微尙所在期挽時趨詳斟異文略區四部經始於
乙卯之秋杪斷手於丁巳之冬初爲書凡五十餘種
以家塾讀書之所名之曰龍谿精舍叢書附刻唐先
生所著兩漢三國學案志師訓也其未出者容當廣
續昔坡翁作李公擇藏書記極以後生科舉之士有
書而不讀爲可惜國勳晚學嘗以自勵世儻有同志
者多讀故書含英咀華發於文詞見諸行事各足其
才分之所得而適於用是則區區校刊之至願也夫
歲在疆圉大荒落長至日潮陽鄭國勳序於上海寓
廬之隱脩堂



欽定四庫全書提要

韓詩外傳十卷漢韓嬰撰嬰燕人文帝時爲博士
景帝時至常山太傅漢書藝文志有韓故三十六
卷韓內傳四卷韓外傳六卷韓說四十一卷歲久
散佚惟韓故二十二卷新唐書尙著錄故劉安世
稱嘗讀韓詩兩無正篇然歐陽修已稱今但存其
外傳則北宋之時士大夫已有見有不見范處義
作詩補傳在紹興中已不信劉安世得見韓詩則
亡在南北宋閒矣惟此外傳至今尙存然自隋志
以後卽較漢志多四卷蓋後人所分也其書雜引

古事古語證

所采多與周

其或取春秋

中間阿谷處

稱彭祖名竝

韶用干戚稱

德語皆有疵

說恤民謂舜

楚成王謂冉

淵子貢子路

條而先後重見亦失簡汰然其中引荀卿非十二子一篇刪去子思孟子二條惟存十子其去取特爲有識又繭絲卵雛之喻董仲舒取之爲繁露君羣王往之訓班固取之爲白虎通精理名言往往而有不必盡以訓詁繩也是書之例每條必引詩詞而未引詩者二十八條又吾語汝一條起無所因均疑有關文李善註文選引其孔子升泰山觀易姓而王者七十餘家事及漢臯二女事今本皆無之疑竝有脫簡至藝文類聚引雪花六出之類多涉訓詁則疑爲內傳之文傳寫偶誤董斯張盡

以爲外傳所佚又似不然矣

龍溪精舍

叢書

陳夔龍
題



歸 鴻
歸 鴻
歸 鴻